



АКАФИСТ
СВЯТИТЕЛЮ
НЕКТАРИЮ
ПЕНТАПОЛЬСКОМУ,
ЭГИНСКОМУ ЧУДОТВОРЦУ



**Акафист
святителю Нектарию
Пентапольскому,
Эгинскому чудотворцу**



МОСКВА
2015

УДК 243
ББК 86.372
А38

*Допущено к распространению
Издательским Советом
Русской Православной Церкви
(ИС Р 15-525-3442)*

А38 Акафист святителю Нектарию Пентапольскому, Эгинскому чудотворцу. — М.: Благовест, 2015. — 48 с.

**УДК 243
ББК 86.372**

ISBN 978-5-9968-0467-2

© Издательство «Благовест» —
текст, оформление, оригинал-
макет, 2015



АКАФИСТ СЯТИТЕЛЮ НЕКТАРИЮ ПЕНТАПОЛЬСКОМУ, ЭГИНСКОМУ ЧУДОТВОРЦУ

Кондак 1

Правосла́вия звезду́ ново-
явлённую и Це́ркве новозда́н-
ное огражде́ние воспоём в
сердечном вси веселии. Ду́ха
я́ве де́йствием просла́вися, ис-
целёний благода́ть всем исто-
чаеши вопи́ющим ти:



Рáдуйся, Некта́рие, Эгíнский
чудотво́рче.

Икос 1

Челове́к небому́дренный яви́л-
ся еси́ в ми́ре, Некта́рие, свя-
ти́телю Христо́в: жити́е бо
преподóбное испра́вив непо-
ро́чно, свят и богоприя́тен во
всем наре́клся еси́; сего́ ра́ди
слы́шиши от нас:

Рáдуйся, от ю́ности Бо́га
возлюби́вый; ра́дуйся, во юдо́-
ли плачевней свéтлое восхож-
де́ние положи́вый.



Рáдуйся, мýдрости сосýде
златоздáнный; рáдуйся, пропо-
вѣдниче благодáти невозбрáн-
ный.

Рáдуйся, дóме с вятéйший
дѣйства Божѣственнаго; рáдуй-
ся, кнѣго богоизваянная жити́я
нóваго.

Рáдуйся, я́ко ны́не поревно-
ва́л еси́ святы́м; рáдуйся, я́ко
А́нгелы испóлнил еси́ весé-
лия.

Рáдуйся, преподóбных отцѣв
прекрасная добрóто; рáдуйся,
иерáрхов Христóвых благо́е
украшѣние.



Ра́дуйся, ѣмже Цѣрковь Хри-
сто́ва ликовству́ет; ра́дуйся,
ѣмже о́стров Эгѣ́нский ра́-
дуется.

Ра́дуйся, Некта́рие, Эгѣ́нский
чудотво́рче.

Кондак 2

Взо́ром духо́вным, ещѣ сый
ю́ноша, прозрѣл еси́ Божѣст-
венную благода́ть, ёюже объ́ят
в душѣ, свѣту за́поведей Гос-
под́них, преподо́бне, избрал
еси́ послѣдовати от ю́ности,
Христú поя: *Аллилу́иа*.



Икос 2

Прите́къ во град Константи́на, Некта́рие, Божество́нным направля́ем стра́хом, в нем лу́чшим поуча́шеся. Те́мже Божество́ннаго разумё́ния преиспо́лнен яви́лся еси́, возвеселя́я во учё́ниях твои́х вопи́ющия ти тако́вая:

Ра́дуйся, Со́лнца мы́сленнаго пала́то благоукраше́нная; ра́дуйся, ра́я словесна́го дре́во досточу́дное.

Ра́дуйся, Христа́ Спаси́теля служи́телю богоприятный; ра́-



дуйся, отцѣм дрѣвним единоправный.

Радуйся, каменю новосѣчный умнаго назданія; радуйся, вѣнче новоплетѣнный Святѣя Цѣркве.

Радуйся, непостыдное наше упованіе; радуйся, свѣтлая наша надѣжда.

Радуйся, яко безплотный бывшій в телесі; радуйся, даром богомудрія просветившійся в дусе.

Радуйся, образов небесных сокровище; радуйся, добродѣтелей ангелоподобных озареніе.



Ра́дуйся, Некта́рие, Эгíнский
чудотво́рче.

Кондак 3

Сла́вныя Божѣственныя му́д-
рости всеобра́зно возжелѣв и
тоя́ измла́да взыска́в, Христа́
моля́ше те́плыми слеза́ми улу-
чи́ти красне́йшаго желáния и,
достíгнув она́го, ве́рно вопи-
я́ше: *Аллилу́иа.*

Икос 3

Весели́л еси́ ду́шу твою́,
я́коже дре́вле отцы́ Васи́лий



со Григóriем, стяжáнием на-
у́к, во Афíнах уч́ився, Некта́-
рие; тёмже тво́ими богобла-
годáтными даровáнии наслаж-
да́ющесе тебё вопиём:

Ра́дуйся, вёрное послуша́-
ния ча́до; ра́дуйся, твёрдое
благоче́стия основáние.

Ра́дуйся, мíра сýетнаго пре-
вы́шший; ра́дуйся, мíру нелóж-
ному приложíвыйся.

Ра́дуйся, уме́ богонóсный,
испóлнь Божéственных разу-
мёний; ра́дуйся, угле́, воспла-
меня́й Божéственного Дúха
огнь умный.



Ра́дуйся, началосвѣтлыя о́б-
разы вой́стину прозрѣ́вый;
ра́дуйся, плоды́ учѣ́ния зем-
на́го Бо́гу Небе́сному возне-
сѣ́й.

Ра́дуйся, любóвь Христо́ву
испо́лнивый жити́ем; ра́дуй-
ся, добродѣ́телей цветѣ́ние во-
зобра́зивый ду́хом.

Ра́дуйся, вѣ́рных новоут-
вержде́нная ограда́; ра́дуйся,
враго́в смертоно́сное пораже́-
ние.

Ра́дуйся, Некта́рие, Эгѣ́нский
чудотво́рче.



Кондак 4

Рѣвностию испóлненный ко
Гóсподу Бóгу нáшему, блажѣн-
не Некта́рие, преподо́бных от-
цѣв равноа́нгельнаго житія
вожде́лев, на Хио́се облече́ся
благоче́стно во ино́ческий о́браз
небе́сный и врага́ низложи́ во
ѣже пѣти прісно Гóсподеви:
Аллилу́иа.

Икос 4

Услы́ша твою́ моли́тву Вла-
ды́ка небесе́ и земли́, егда́



взыва́л еси́ Нему́ из се́рдца,
и повеле́ мо́рю, и преложи́ся
в тишину́ морско́е волне́ние,
преподо́бне: дивя́щаяся же вси
спасе́ннии, ве́рно вопия́ху:

Ра́дуйся, исто́чнице чуде́с
неисчерпа́емый; ра́дуйся, исце-
ле́ний реко́ приснотеку́щая.

Ра́дуйся, све́та духо́внаго
преозаре́ние; ра́дуйся, благо-
да́ти Божество́нныя доброзра́ч-
ное сия́ние.

Ра́дуйся, сосу́де много́чест-
ный даро́в небе́сных; ра́дуйся,
са́де новоса́жденный добро-
де́телей ра́йских.



Ра́дуйся, я́ко морско́е тре-
волне́ние утиша́еши; ра́дуйся,
я́ко сло́вом любви́ всякое зло
изоблича́еши.

Ра́дуйся, Христо́в но́вый из-
бра́нниче; ра́дуйся, благода́ти
усе́рдный провозвѣстниче.

Ра́дуйся, Ду́ха Истины обрѣ-
тый позна́ние; ра́дуйся, Исто́чни-
ка Ж́изни напо́енный стру́ями.

Ра́дуйся, Некта́рие, Эгѣ́нский
чудотво́рче.

Кондак 5

Дѣ́ивен яви́лся еси́ в
после́дняя дни, святи́телю



Христóв, óтче Некта́рие, в
жити́й пра́веднем изобразíв
я́вственнейше нра́вы тво́ими
жити́е дрéвних богонóсных
святы́х, и, просла́влен чудесы́,
от напáстей спаса́еши всех
вопи́ющих Бо́гу: *Аллилу́иа.*

Икос 5

Избра́нием богоразсúдным
иерáрх богомúдный во́истинну
показа́лся еси́ во Егíпте и
Пента́полю па́стырь яви́лся
еси́ Божéственный, áки Па́вел
вели́кий; те́мже у́бо жити́ю



твоёмú дивляхуся вѣрнии лю́-
дие, вопи́юще:

Ра́дуйся, за зако́ны оте́ческия
твѣрдо подви́завыйся; ра́дуйся,
на ка́мени за́поведей Госпо́дних
стопа́ твоѧ утверди́вый.

Ра́дуйся, во Егѣ́пте уче́ние
и́стинное возвести́вый; ра́дуй-
ся, па́ству твою́ от Егѣ́пта
мы́сленнаго спасѣ́й.

Ра́дуйся, пала́то крѣ́пости
и любве́ сокрови́ще; ра́дуйся,
просвѣще́ние ра́зума и му́дрости
вмести́лище.

Ра́дуйся, я́ко яви́лся еси́
Цѣ́ркве земны́я украше́ние; ра́-



дуйся, яко показáлся есѣ
вѣрныхъ благое утверждѣние.

Рáдуйся, правило изряднаго
житія; рáдуйся, образу бла-
гочестія и мѹдрости.

Рáдуйся, иерáрше, вѣру пра-
вослáвную возвысивый; рáдуй-
ся, писáньми твоими зловѣрие
обличѣвый.

Рáдуйся, Нектáрие, Эгѣнский
чудотвóрче.

Кондак 6

Украшѣние Христóвы Цѣркве
во Егѣпте явѣлся есѣ, Нектáрие,



яко Евáнгелия дѣлатель ѣстин-
ный; сего́ ра́ди, стяжа́вше тя
води́теля Божѣственнаго, ѡ́тче,
вѣрныхъ ли́цы лúчшему поуча́-
хуся, вопи́юще с тобо́ю Гѡс-
подеви: *Аллилу́иа.*

Икос 6

Воссия́вый я́ко апѡ́столъ ины́й
во странѣ́ Элли́нстей, озаря́еши
благочестѣ́выхъ серде́ца сия́ниемъ
божѣственныхъ уче́ний и свѣ-
томъ жити́я твоего́, преподо́бне;
те́мже у́бо свѣ́тлостію тво́ею
световоди́мии вѣ́рно вопи́емъ:



Ра́дуйся, та́инство Триипо-
ста́снаго Божества́ просла́ви-
вый; ра́дуйся, апо́стольскую
ре́вность стяжа́вый.

Ра́дуйся, си́лу Бо́жию в
не́мощи яви́вый; ра́дуйся,
исцелéний благода́ть показá-
вый.

Ра́дуйся, витіе боговещáн-
ный глаго́лов жи́зни; ра́дуйся,
води́телю премúдрый сло́ва бла-
годáти.

Ра́дуйся, я́ко очища́еши ду-
ше́вная расположе́ния; ра́дуй-
ся, я́ко сообразу́еши серде́чная
смотре́ния.



Ра́дуйся, ве́рных учи́телю ве-
ли́кий; ра́дуйся, Христа́ тайн-
ниче преизря́дный.

Ра́дуйся, тайноводи́телю во
оби́тели Небе́сныя; ра́дуйся,
стяжа́вый в ми́ре обогаща́ющую
нищету́.

Ра́дуйся, Некта́рие, Эгíнский
чудотво́рче.

Кондак 7

Ве́лий во иера́рсех и пре-
му́дрых учи́телех я́ко тайнник
смирéния яви́лся еси́, Некта́-
рие: тво́я богому́драя писа́ния



оста́вил еси́ Цѣркви, свя́те,
ѣмиже вѣрно улажда́ющесея,
Просла́вльшему тя Бо́гу вопи́-
ѣм: *Аллилу́иа.*

Икос 7

Некта́р пра́ведности и бла-
годáти Бо́жия рóсу, чудотвóрче
святы́й Некта́рие, áки о́блак
духóвный во врэ́мя бездо́ждия
нам дарова́л еси́, веселя́ ду́-
ши на́ша и подвижа́я вопи́ти
тебе́:

Ра́дуйся, росó утешéния; ра́-
дуйся, дыха́ние нетлéния.



Ра́дуйся, во́ду благодáти нам
источи́вый; ра́дуйся, исцелéний
струй отве́рзый.

Ра́дуйся, весно́ святости в
зимé духо́вней; ра́дуйся, сия́-
ние новопросвещéнное во мра́-
це вéтсем.

Ра́дуйся, да́ром чудéс обо-
гащéнный; ра́дуйся, ду́хом раз-
суждéния преосенéнный.

Ра́дуйся, исцелíteлю недú-
гов всехва́льный; ра́дуйся, нас-
та́вниче во благодáти преиз-
рядный.

Ра́дуйся, де́моны áки пла́-
мень пожига́я; ра́дуйся, стра-



стѣй душепа́губныхъ свобож-
даяй.

Ра́дуйся, Некта́рие, Эгѣ́нский
чудотво́рче.

Кондак 8

Стра́нная чудеса́, о́тче, ра́ка
твои́хъ мощѣй источа́ет и спаса́-
ет я́же в трудѣ́хъ скончава́ю-
щихъ жити́е свое́: сего́ ра́ди во
оби́тель твою́ святу́ю отовсю́ду
стека́ются лю́дие, цельбы́ и
избавле́ния многоразлі́чная от
тебе́ получа́юще и вопи́юще
Бо́гу: *Аллилу́иа.*



Икос 8

Приста́нище необурева́емое,
блаже́нне, на о́строве Эгѣ́нстем
яви́л еси́ оби́тель твою́ Бо-
же́ственную, в не́йже инокинь
честны́х окорми́тель му́дрый
содѣлался еси́, о Христѣ́ сия,
преподо́бне, му́дро наставляя,
вопи́ющія:

Ра́дуйся, похвало́ де́вства; ра́-
дуйся, о́бразе мона́шескаго житія́.

Ра́дуйся, смиренному́дрія гро́з-
дие преукраше́нное; ра́дуйся,
долготерпе́ния сокрови́ще бо-
же́ственное.



Ра́дуйся, священнаго безмо́л-
вия преосене́ние; ра́дуйся,
трезвѣния духо́внаго благорастворѣ́ние.

Ра́дуйся, воздержанія свя-
ти́лище чи́стое; ра́дуйся, бого-
подо́бия одушевлѣ́нное изобра-
же́ние.

Ра́дуйся, святоле́пное осия́-
ние целому́дрія; ра́дуйся, бо-
гоизбра́нное извая́ние чис-
тоты́.

Ра́дуйся, ороси́вый ду́шу
твою́ слеза́ми покая́нія; ра́дуй-
ся, тех стру́ями обнови́вый
зрѣ́ние духо́вное.



Рáдуйся, Некта́рие, Эгíнский
чудотво́рче.

Кондак 9

Испóлнена есть благода́ти Бо-
же́ственныя и обоня́ния небес-
наго ра́ка моще́й твои́х, Нек-
та́рие, угодниче Христо́в: ѿмже
не то́кмо оби́тель тво́я, но и весь
о́стров Эгíнский ра́дуется, и вси
освяща́ются сих благода́тию,
вопи́юще Бо́гу: *Аллилу́иа*.

Икос 9

Струи́ Божество́вныя исто-
ча́ют многоцеле́бныя мо́щи



твоя́, чудотво́рче святы́й Некта́рие, богаты́м да́ром небесным исцелѣ́ния мно́гим подаю́т и недуго́в скве́рну омыва́ют: те́мже, дивя́щаяся сла́ве тво́ей, ю́же стяжа́л еси́, усер́дно вопи́ем:

Ра́дуйся, наста́вниче в добродѣ́тели нело́жный; ра́дуйся, возвестите́лю и́стины нелицеме́рный.

Ра́дуйся, ско́рый помо́шникъ в беда́х; ра́дуйся, ве́лие утеше́ние в напа́стехъ.

Ра́дуйся, исто́чник много́теку́щий милосе́рдия О́тчаго;



ра́дуйся, грóздие сладча́йшее
весéлия духóвнаго.

Ра́дуйся, я́ко ра́коваго му-
чи́тельства прекра́аеши не-
дúг; ра́дуйся, я́ко дéмонскую
разруша́еши дéрзость.

Ра́дуйся, мудрецо́в сýетных
смуще́ние; ра́дуйся, вéрных не-
руши́мое единéние.

Ра́дуйся, щите́ вéры, íмже
вéрнии огражда́ются; ра́дуйся,
вещáние íстины, íмже бue-
сло́вцы обраща́ются.

Ра́дуйся, Некта́рие, Эгíнский
чудотво́рче.



Кондак 10

Покрѡвъ ты и предстателя
всякъ вѣрный именуетъ, улучая отъ
тебѣ по́мощь: кто бо, призвавъ
тебя съ вѣрою, не получилъ еси́
твоея, ѡ́тче, благодати? Всемъ
бо скоро просимое подаеши,
внегда звати: *Аллилу́иа.*

Икос 10

Мно́гихъ твои́хъ чудесъ во
вся концы́ изыде вещание,
богослосне и всеблаженне Нек-
та́рие, ты бо б́лижнимъ и даль-



ним поспешáеши на по́мощь,
свѣте, и спаса́еши бѣдству-
ющія, и предста́тельствуеши
вопи́ющим:

Ра́дуйся, чудотвори́й пре-
дѣвно вѣлія и пресла́вная;
ра́дуйся, подава́й всем ѵ́же
ко спасѣнію благопотре́б-
ная.

Ра́дуйся, дрѣвняя испо́лни-
вый во дни на́ша; ра́дуйся,
проро́чески предрече́нная по-
каза́вый ны́не.

Ра́дуйся, ѵ́стинныя вѣры тор-
жество́; ра́дуйся, спасі́тельное
христиа́н прибѣжище.



Рáдуйся, я́ко явля́еши и́сти-
ны сла́ву; ра́дуйся, я́ко за-
ражда́еши беззако́ния уста́.

Рáдуйся, ра́досте ве́рных и
утвержде́ние; ра́дуйся, душ
смяте́нных весе́лие и кре́посте.

Рáдуйся, и́мже Христо́с про-
сла́вился; ра́дуйся, и́мже сата-
на́ посрами́ся.

Рáдуйся, Некта́рие, Эгíнский
чудотво́рче.

Кондак 11

Песнь благодарственную те-
бе́ воспева́ем, блаже́нне Нек-



та́рие, уго́дниче Христо́в, спа-
са́емии тво́ими предста́тель-
ствы, во всякой бо нас нуж-
де́ от наше́дших свобожда́еши
скорбе́й: те́мже твоё заступ-
ле́ние пропове́дуем, Христу́
пою́ще: *Аллилу́иа*.

Икос 11

Попаля́еши де́монское лю́-
тое не́истовство огнём священ-
ных чуде́с тво́их, чудотво́рче
Некта́рие, и ско́ро помога́я
ве́рным, тяжких боле́зней уга-
ша́еши зной, исцеля́я страж-



ду́щия, вопи́ющія ти во уми-
ле́нии:

Ра́дуйся, пучи́но щедро́т
неисто́щимых; ра́дуйся, мо́ре
чудес недо́мыслимых.

Ра́дуйся, боля́щих исцеле́-
ние; ра́дуйся, разсла́бленных
ско́рое исправле́ние.

Ра́дуйся, уны́нием пленё-
ных основáние; ра́дуйся, отча́-
янных прибе́жище.

Ра́дуйся, воста́ние па́дших
и вразумле́ние; ра́дуйся, за-
блужда́ющих наставле́ние.

Ра́дуйся, исто́чнице, благо-
дарова́ния источáяй; ра́дуйся,



свети́льниче, омраче́нныя про-
свеща́яй.

Ра́дуйся, благоче́стия бого-
дарова́нная си́ло; ра́дуйся, утё-
шителю всех приходя́щих к
тебе́.

Ра́дуйся, Некта́рие, Эгíнский
чудотво́рче.

Кондак 12

Благода́ть Утёшителя богáтно
изли́яся от ра́ки честны́х моще́й
твои́х: гроб бо твой святы́й,
Некта́рие, я́ко приснотеку́щий
исто́чник то́чит непреста́нно ис-



целёния и напоёт Божественными струями благодати всех вопиющих Гóсподеви: *Аллилуиа*.

Икос 12

Воспева́я всесоверше́нно
Трисвяту́ю песнь́ Бо́гови с
ли́ки а́нгельскими, Некта́рие,
воззри́ свѣ́ше на нас и да́руй,
всесвя́те, вся потре́бная ве́рою
к тебѣ притека́ющим и не
преста́ющим вопи́ати:

Ра́дуйся, о́трасле Сили́врии
благослове́нная; ра́дуйся, Э́г-
ны извѣ́стная похвало́.



Ра́дуйся, Элла́ды ве́лие ук-
раше́ние; ра́дуйся, чуде́творче,
во всем ми́ре просла́вивыйся.

Ра́дуйся, о́бразе иерáрхов
честна́х; ра́дуйся, мона́шест-
вующих покрóве и спасе́ние.

Ра́дуйся, Це́ркве свети́ло
новосве́тлое; ра́дуйся, Правос-
сла́вия неколе́блемое утвер-
жде́ние.

Ра́дуйся, и́мже страсте́й
очище́ние при́имем; ра́дуйся,
и́мже к Бо́гу восхожде́ния
улучи́м.

Ра́дуйся, возсиява́яй в сер-
дца́х на́ших свет Госпо́день;



ра́дуйся, и о мне ходáтаю ко
Творцу́.

Ра́дуйся, Некта́рие, Эгíнский
чудотво́рче.

Кондак 13

О Божéственный о́тче, пра-
восла́вных христиа́н ве́рное
упова́ние, Некта́рие, святíteлю
Христо́в, престóлу Госпо́дню
предсто́я ны́не, испроси́ нам
у Христа́ Бо́га прегреше́ний
оставле́ния и всеми́лостиваго
снизхожде́ния, я́ко да возопие́м
Ему́ всече́стно: *Аллилу́иа*.



*Этот кондак читается
трижды.*

Икос 1

Человѣк небомудренный
явѣлся есѣ в мѣре, Нектаріе,
святителю Христовъ: житіе бо
преподобное исправив непо-
рочно, свят и богоприятен во
всем нареклся есѣ; сего ради
слышиши от нас:

Радуйся, от юности Бѣга
возлюбивый; радуйся, во юдо-
ли плачевней свѣтлое восхож-
деніе положивый.



Ра́дуйся, му́дрости сосу́де
златозда́нный; ра́дуйся, пропо-
ве́днице благода́ти невозбра́н-
ный.

Ра́дуйся, до́ме святéйший
де́йства Божéственнаго; ра́-
дуйся, кнѣ́го богоизвая́нная
жити́я но́ваго.

Ра́дуйся, я́ко ны́не поревно-
ва́л еси́ святѣ́м; ра́дуйся, я́ко
А́нгелы испо́лнил еси́ весе́-
лия.

Ра́дуйся, преподо́бных отце́в
прекрасная добро́то; ра́дуйся,
иерáрхов Христо́вых благо́е
украше́ние.



Ра́дуйся, ѣмже Цѣрковь Хри-
сто́ва ликовству́ет; ра́дуйся,
ѣмже о́стров Эгѣ́нский ра́-
дуется.

Ра́дуйся, Некта́рие, Эгѣ́нский
чудотво́рче.

Кондак 1

Правосла́вия звезду́ ново-
явлѣ́нную и Цѣ́ркве новозда́н-
ное огражде́ние воспоѣ́м в
сердѣ́чном вси весѣ́лии. Ду́ха
ѣ́ве дѣ́йствием просла́вися, ис-
целѣ́ний благода́ть всем исто-
ча́еши вопи́ющим ти:



Рáдуйся, Некта́рие, Эгíнский
чудотво́рче.

Молитва

О богомúдрый и всесвяты́й
о́тче Некта́рие, святíteлю Хри-
сто́в, чудотво́рче вели́кий и
пресла́вный. К тебé ны́не при-
бега́ем ве́рою и любóвию
чтúции тя, похвалы́ сия при-
носяще от всего́ сёрдца и
помышлénия. Ты, уго́днике
Бо́жий, яви́лся еси́ ны́не я́ко
звезда́ у́тренняя, озаря́ющая
ми́ра сего́ помраче́нныя концы́



свѣтом благодати Христо́вой,
ю́же стяжа́л еси́ нелóжно
смирѣнным жити́ем твои́м и
крóтками нра́вы, нетлѣнных
и премі́рных обетова́ний спо-
добльшеся. Сего́ ра́ди мы,
недостóйнии, мо́лим тя при-
ле́жно: о́тче святы́й Некта́-
рие, не забúди нас, к тебѣ
усер́дно притека́ющих. Свет
сы́й ны́не, просвети́ ду́ши
на́ша, помраче́нныя страсть-
ми́, озари́ наш ум и обно-
ви́ помышле́ния во е́же по-
уча́тися нам Божѣ́ственным
и свяще́нным о́бразом и не



ктому́ о сѹетныхъ пещѣся.
Утверди́ насъ, преподобне́ о́тче,
въ вѣре, надѣжде и любви́ ко
Господу́ Бо́гу на́шему, исцели́
болѣзни душе́вныя и телес-
ныя, бѹди намъ покрѡвъ и при-
бѣжище въ скѡрбехъ и напѣстехъ,
вразумлѣние и исправлѣние
во гресѣхъ, благодѣть незавѣст-
ную подающе́ всегда́, ꙗко да
просла́вимъ еди́наго ѣстиннаго
Бо́га, дѣвнаго во святѣхъ Своѣхъ,
Отца́ и Сы́на и Свята́го Дѹха,
ны́не и прѣсно и во вѣки веко́в.
Ами́нь.



Тропарь, глас 1-й

Силі́врии о́трасль и Эгі́ны
храні́теля, в послѣ́дняя лѣ́та
явля́шагося, добродѣ́тели дру́-
га і́скренняго, Некта́рія поч-
ти́м ве́рнии, я́ко божѣ́ст-
веннаго служі́теля Христо́ва:
то́чит бо цельбы́ многораз-
лі́чныя благоче́стно вопи́ю-
щим: сла́ва Просла́вльшему
тя Христу́, сла́ва Да́вшему ти
чуде́с благода́ть, сла́ва Де́й-
ствующему тобо́ю всем ис-
целѣ́ния.



Кондак, глас 2-й

Божественный гром, трубá
духовная, вѣры насадителю и
отсекателю ересей, Троицы
угóднице, великий святителю
Нектáрие, со Ангелы пред-
стоя прѣсно, моли непрестáнно
о всех нас.





Святитель Нектарий родился в 1846 году в Селиврии, недалеко от Константинополя. Получив начальное образование, он отправился в Константинополь, где был рабочим табачной лавки и школьным смотрителем. В 1866 году будущий святитель переехал на Хиос, где работал учителем. В 1877 году он получил монашеский постриг с именем Нектарий. В 1885 году отец Нектарий окончил богословский факультет Афинского университета, и в следующем году был рукоположен в иеромонахи. В том же году Нектарий был возведён в сан архимандрита и стал секре-



тарём патриарха. В 1889 году он был хиротонисан во митрополита Пентапольского, но уже в июле 1890 года его отправили на покой. В 1892 году святитель Нектарий получил должность проповедника в Греции, а с 1894 по 1908 год руководил богословской школой в Афинах. После окончательного ухода на покой он жил в основанном им Троицком монастыре на острове Эгина. Скончался святитель Нектарий 22 ноября 1920 года от рака. Канонизирован в 1961 году Константинопольской Православной Церковью.



**Акафист
святителю Нектарию Пентапольскому,
Эгинскому чудотворцу**

Редактор: Плюснин А. И.
Технический редактор: Ивашкова В. Ю.
Корректор: Плюснин А. И.
Верстка: Колгарёв И. Е.
Дизайн обложки: Зимихин А. А.

Подписано в печать 17.09.2015
Формат 70х90/32. Бумага офсетная.
Печать офсетная. Гарнитура Таймс
П. л. 1,5. Тираж 30000 экз. Заказ

Издательство «Благовест».
Адрес: 123182, г. Москва,
ул. Авиационная, дом 13

Отпечатано ОАО ПИК «Идел-Пресс»
420066, г. Казань, ул. Декабристов, дом 2
e-mail: idelpress@mail.ru
www. idel-press.ru

**ПОСЕТИТЕ ИНТЕРНЕТ-МАГАЗИН
издательства «БЛАГОВЕСТ»**

WWW.BLAGOVEST-MOSKVA.RU

**много православных книг и икон, акции и скидки
для ОПТОВЫХ И РОЗНИЧНЫХ покупателей**

Телефоны: (495) 787-50-72, (495) 942-53-72

8-800-333-11-78

звонок из любого региона России – БЕСПЛАТНО!